



Broj: 01/1-30-18-1/26

Objavljen: 27.01.2026. godine

Datum: 26.01.2026. godine

Na osnovu Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), Zakonom o radu FBiH („Sl. novine FBiH“ 26/16 i 89/18) član. 34, Pravilnika o mjerama za podsticaj zapošljavanja broj: 01/6-04-38-3/21 od 25.02.2021. godine, Pravilnika o izmjenama i dopunama Pravilnika o mjerama za podsticaj zapošljavanja broj: 01/6-04-181-2/25 od 05.11.2025. godine, Odluke Upravnog odbora J.U. „Službe za zapošljavanje BPK Goražde“ broj: 01/6-04-13-3/26/26 od 19.01.2026. godine i Odluke Vlade BPK Goražde broj: 03-11-136/26 od 22.01.2026. godine, J.U. „Služba za zapošljavanje BPK Goražde“

r a s p i s u j e:

JAVNI POZIV
poslodavcima i nezaposlenim osobama za učešće u
„Programu stručnog osposobljavanja 2026. godine“

I

Pozivaju se poslodavci sa područja BPK Goražde koji su zainteresovani da uz finansijsku podršku J.U. „Služba za zapošljavanje BPK Goražde“ (u daljem tekstu: Služba) prime na stručno osposobljavanje nezaposlene osobe VSS ili SSS koje se nalaze na evidenciji Službe bez radnog iskustva u struci, da apliciraju na Javni poziv.

Također se **pozivaju nezaposlene osobe VSS i SSS** koje se nalaze na evidenciji Službe, a koje nemaju radno iskustvo u struci da samoinicijativno pronađu poslodavca, preuzimanjem „Vaučera za stručno osposobljavanje“ kako bi poslodavci aplicirali za njih i pružili im priliku za sticanje prvog radnog iskustva u struci.

II

Cilj ovog Programa je da se pruži mogućnost stručnog osposobljavanja nezaposlenim osobama koje se nalaze na evidenciji Službe, prijavljene sa VSS i SSS, bez radnog iskustva u struci, za samostalan rad u struci, kako bi stekli uslov za polaganje stručnog ispita, te isti postali konkurentniji na tržištu rada.

III

Za realizaciju Programa su predviđena novčana sredstva u iznosu od **80.000,00 KM**. Za osobe iz ciljne grupe, Programom je predviđeno finansiranje stručnog osposobljavanja i to:

- Novčana naknada u iznosu od 444,44 KM mjesečno, sa uračunatim porezom na dohodak od 10%,
- 30,00 KM mjesečno namijenjeno za osiguranje za slučaj povrede na radu i profesionalnog oboljenja (u skladu sa propisima o penzijskom i invalidskom osiguranju).



IV

Korisnici Programa su poslodavci (poslovni subjekt, podružnica ili poslovna jedinica) registrovani/a kod nadležnog organa na području Bosansko podrinjskog kantona Goražde, koji redovno izmiruju obaveze po osnovu poreza i doprinosa, te poslodavci koji imaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda.

Korisnici Programa su i nezaposlene osobe prijavljene na evidenciju Službe dan prije podnošenja zahtjeva poslodavca:

- Visoke stručne spreme (VSS) - podrazumjevaju se i osobe koje su završile prvi i drugi ciklus studija po bolonjskom procesu,
- Srednje stručne spreme (SSS) – podrazumjevaju se osobe koje su završile III i IV stepen SSS,
- Nezaposlene osobe koje nisu učestvovala u programima aktivne politike zapošljavanja radi sticanja prvog radnog iskustva, finansiranim od strane Vlade BPK Goražde, Općina u sastavu kantona, Federalnog zavoda za zapošljavanje ili Službe za zapošljavanje BPK Goražde,
- Prijavljene na evidenciji JU „Služba za zapošljavanje BPK Goražde“,
- Bez radnog iskustva u struci u trajanju od 12 (dvanaest) mjeseci za VSS i u trajanju od 6 (šest) mjeseci za SSS, čije je sufinansiranje radi sticanja prvog radnog iskustva u struci.

V

Zainteresovani poslodavci se prijavljuju na Javni poziv popunjavanjem zahtjeva (aplikativnog formulara), koji je dostupan na internet stranici Službe: www.szzbpbk.ba ili se može preuzeti u prostorijama Službe.

Zainteresovane nezaposlene osobe, preuzimanjem „Vaučera za stručno osposobljavanje“, koji je također dostupan na stranici Službe : www.szzbpbk.ba ili u prostorijama Službe, samoinicijativno pronalaze poslodavca koji će im pružiti priliku stručnog osposobljavanja prijavom na Javni poziv.

Uz zahtjev na Javni poziv poslodavci dostavljaju:

- kopiju rješenja za obavljanje djelatnosti,
- kopiju identifikacijskog broja,
- broj računa u poslovnoj banci na koji će se sredstva doznačiti,
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od trideset (30) dana od dana podnošenja zahtjeva na Javni poziv, odnosno Sporazum o odgođenom plaćanju duga po osnovu javnih prihoda potpisan sa Poreznom upravom Federacije BiH,
- Vaučer za osposobljavanje osobe koja se nalazi na evidenciji.

Javne ustanove, organi i druge institucije koje posluju preko trezora uz zahtjev dostavljaju:

- broj žiro računa i dokaz da trezorski posluju,
- Vaučer za osposobljavanje osobe koja se nalazi na evidenciji Službe.



VI

Kriterijima za vrednovanje bodovat će se:

- dužina čekanja na evidenciji nezaposlenih osoba,
- broj osoba koje poslodavac uzima na stručno osposobljavanje,
- učešće u savjetodavnom procesu nezaposlene osobe (da je nezaposlena osoba počela sa savjetovanjem: IPZ - individualni plan zapošljavanja) dan prije podnošenja zahtjeva poslodavca.

Kod jednakog broja bodova prednost imaju osobe koje su duži period na evidenciji nezaposlenih osoba Službe.

VII

Na osnovu Odluke Upravnog odbora Službe o odobravanju konačne Liste korisnika sredstava, Služba sa podnosiocem zahtjeva zaključuje Ugovor koji sadrži sve bitne elemente Programa, kojim se uređuju međusobna prava, obaveze i odgovornosti.

Služba će pripremiti tri (3) primjerka Ugovora o sufinansiranju stručnog osposobljavanja, koje dostavlja poslodavcu na potpis uz prpratni akt u kojem se traži da u roku od petnaest (15) dana Službi dostavi potpisane i ovjerene Ugovore o sufinansiranju sa slijedećom dokumentacijom:

- Ugovor o stručnom osposobljavanju bez zasnivanja radnog odnosa sa nezaposlenom osobom, na period od 12 (dvanaes) ili 6 (šest) mjeseci, odnosno na period koji je nezaposlenoj osobi potreban da bi stekla prvo radno iskustvo u struci,
- obrazac prijave nezaposlene osobe na osiguranje u slučaju povrede na radu ili profesionalne bolesti putem Porezne uprave Federacije BiH (Obrazac JS 3120).

Ukoliko poslodavac, izuzev u opravdanim situacijama, ne dostavi potpunu i validnu dokumentaciju, smatrat će se da je odustao od učešća u Programu i u postupak se uzima prvi sljedeći poslodavac sa rang liste, odnosno slijedeći poslodavac prema datumu prijave koji ispunjava uslove Programa.

Nezaposlena osoba će potpisati Ugovor o stručnom osposobljavanju sa poslodavcem.

Nakon utvrđivanja potpunosti i validnosti dokumentacije, Služba potpisuje i ovjerava sve primjerke Ugovora, te zadržava dva primjerka, a jedan prosljeđuje poslodavcu.

VIII

Nakon zaključivanja Ugovora, kao uslov za isplatu sredstava, poslodavac je dužan mjesečno dostavljati u Službu slijedeću dokumentaciju:

- dokaze o isplati novčane naknade,
- dokaz o uplati poreza na dohodak od 10%,
- dokaz o uplati obaveznog osiguranja u slučaju povrede na radu i profesionalne bolesti.



Za gore navedeno, kao dokaz o isplati dostavljaju se uplatnice, odnosno kopije izvoda banke iz kojih je vidljiva isplata novčane naknade, poreza na dohodak i osiguranja u slučaju povrede na radu i profesionalne bolesti.

Nakon što poslodavac u Službu dostavi gore navedenu dokumentaciju, Služba mu refundira iznos sredstava za protekli mjesec, koji obuhvata novčanu naknadu za nezaposlenu osobu, porez na dohodak i osiguranje u slučaju povrede na radu i profesionalnog oboljenja.

IX

Obrazac zahtjeva (aplikativni formular) i obrazac „Vaučer za stručno osposobljavanje“ su dostupni na internet stranici Službe: www.szzbpbk.ba ili se mogu preuzeti u prostorijama Službe u ulici Maršala Tita 13, u Goraždu.

Javni poziv se zatvara protekom petnaest (15) dana od dana objave ili u slučaju nedovoljnog odziva, utroškom Programom planiranih sredstava, a najduže do 30.11.2026. godine.

Poslodavci podnose prijavu sa potrebnom dokumentacijom lično ili preporučeno putem pošte na adresu:

Javna ustanova «Služba za zapošljavanje BPK Goražde» Goražde, ulica Maršala Tita 13, Goražde
sa napomenom:
„Program stručnog osposobljavanja 2026. godina“

Sve dodatne informacije mogu se dobiti svakim radnim danom od 08:00h do 16:00h putem telefona: **038/243-117, 038/243-112.**

D I R E K T O R

Emir Obarčanin

Dostaviti:

- OPĆINSKI BIROI RADA x3 (za objavu na oglasnoj tabli),
- Stručni saradnik za informacione sisteme i statistiku (za objavu na web stranici Službe),
- a/a.